

ՎԻՄԱԳՐԱԿԱՆ

ՀԻՆ ԳՈՐԻՍԸ, ՏԵՂԱՂՐՈՒԹԵԱՆ ԿԵՂԾ ԹԷՋԸ ԵՒ
ՆՈՐԱՅԱՅՏ ԱՐՁԱՆԱԳՐՈՒԹԻՒՆՆԵՐԸ

Մուտք

Հին Գորիս (բարբառային՝ Կյօրէս) կամ ինչպէս տեղացիներն են ներկայումս անւանում Գորիս գիւղը գտնւում է Գորիս քաղաքից դէպի արեւմուտք՝ Վարարակ գետի ձախ ափին: Գորիս տեղանունը առաջին անգամ յիշատակւում է ուրարտական արքայ Ռուսա I (մ.թ.ա. 735-713 թթ.) արձանագրութեան մէջ՝ իններորդ տողում՝ «...Գուրիս-յեան երկիրը...»: Ռուսա I-ը մ.թ.ա. 715 թ.-ին է ձեռնարկել արշաւանք դէպի Գեղարքունեաց ծովի արեւելեան հատուած եւ նուաճել 23 երկրներ, որոնցից մէկը եղել է Գորիսը՝ Գուրիսյան: Կյօրէս-Գորիս տեղանունը¹ մէջ պահպանուած է հնդեւրոպական բնիկ ձեւը՝ *gʰeu- *gʰou̯oro-՝ ձոր > գոր || Կյօր / *gʰou̯-ro/²: Ուսումնասիրութիւնները ցոյց են տալիս, որ Սիւնիքի տեղանունների մեծ մասը նախապէս ունեցել է ոչ թէ յատկանուն արժէք, այլ հասարակ անուն նշանակութիւն եւ մատնանշել է աշխարհագրական տարածք կամ տարածքը բնորոշող յատկանիշ: Դրանից յետոյ միայն այդ անունները ճանաչողական լայն նշանակութիւն են ստացել, վերածուել յատուկ անունների, համեմատել՝ *šur-(-(i)n)-ul(-(i))* > Շոռնոխ «ջրերի աշխարհ, հեղեղուտ, խոնավ վայր»³: Հնարաւոր է, որ ուրարտական շրջանում կամ դրանից յետոյ միայն հնդեւրոպական ծագմամբ *gʰou̯oro- ձոր բառը ստացած լինի տեղանուն նշանակութիւն՝ **Գուր-իս** (^{KUR}Gur-ia): Աշխարհագրորէն Գորիսը գտնւում է մեծ ձորում՝ ընդգրկելով Ձագեձոր-Ձանգեզուրի ձորագանգուածի փոքր ձորերից մէկում, ինպէս Ծակեծոր, Ձագեձոր, Հալիձոր եւ այլն: *Gʰou̯oro- արմատից են ծագում ոչ միայն Գորիսը, այլեւ Կորուն (բնակավայր Գորիսի շրջանում), Կուրիսը (բնակավայր Մեղրիի շրջանում): Կարծում ենք, որ յուն. **χῶρος** «1. տեղ, տեղանք, 2. արանք, միջեւ եղած տարածութիւն, 3. շրջան, երկիր, 4. գիւղ, 5 հողատարածք»⁴, սանս. **दरि** (**darI**) «ձոր, հովիտ», պրսկ. **دار** (**darre**) «ձոր, կիրճ, հովիտ», հայ. ձոր բառերը ունեն նոյնական ծագում՝ հնդեւրոպերէնում՝ *gʰou̯(o)ro-: Յետագայում Ստեփանոս Օրբելեանը Հաբանդ գաւառի հին ցուցակում գիւղը յիշատակում է Գորայք անունով⁵, որտեղից պարզ է դառնում, որ Գորիս տեղանունը **գոր** արմատը նշանակում է «ձոր», իսկ վերջադիր **իս**-ը առաջացել է հայերէնի **-այք** վերջաւորութիւնից՝ -այք = այ > է, ք > ս, է > ի = իս՝ Գոր-իս՝ «ձորեր»՝ Գորայք > Կորէս

¹ Գորիս տեղանունը ստուգաբանութիւնը ամբողջական կարելի է տեսնել՝ Մ. Քումմից, «Գորիս» տեղանունը ստուգաբանութիւն, Գիտական յօդուածների ժողովածոյ (Հ. Անառեանի անունի լեզուի ինստիտուտ), «Աստղիկ» հրատ., Երեւան, 2016, էջ 378-396:

² J. Pokorny, Indogermanisches etymologisches Wörterbuch, I, II bend (II Auflage), München: Francke Verlag, Bern, 1959, Band, II, f. 45-47.

³ Այս մասին տե՛ս՝ Մ. Քումմից, Պատմական Սիւնիքի Բաղդ գաւառի Շոռնոխ բնակավայրը (ստուգաբանութեան փորձ), «Էջմիածին», թիւ Ժ., 2021, էջ 50-66:

⁴ И. Х. Дворецкий, Древнегреческо-русский словарь (том I, II), Государственное издательство иностранных и национальных словарей, Москва, 1958, том II, с. 1794.

⁵ Դիւան հայ վիմագրութեան, պրակ II, Գորիսի, Սիւնիքի եւ Ղափանի շրջաններ, կազմեց Ս. Գ. Բախխուդարեան, Երեւան, 1960, էջ 78:

> Գործիք || Կօրէն:

Հին Գորիս բնակավայրի տեղադրության շուրջ

Ղ. Ալիշանի «Միսականի»⁶ մի հատուածը մեծ շփոթութիւն է առաջացրել շատ հեղինակներին շրջանում՝ սկսած Ե. Լալայեանից, մինչեւ մեր օրերը: Միսալ թարգմանութիւնը կամ ընթերցելը առաջ է բերել մի թիւր կարծիք, ըստ որի՝ հին Գորիսը գտնուել է Վերիշէն գիւղի տեղում: Ահա հատուածը գրաբարով⁷.

Լուսաբ զաւանդութիւն պատմչին Սիւնեաց վասն Զագայ նահապետի ի զարմէ Սիսակայ՝ նախ աստ բնակելոյ, և շինողի Հաբանդայ բերդին, որ յետոյ յիւր անուն՝ յորմէ և սահմանքն՝ կոչեցաւ Զագեծորոյ բերդ, և ընդ նշանաւոր բերդորէից Սիւնեաց դասի ի կարգին, Թէպէտ ոչ յիշի յետոյ ի պատմութեան, և հաւանելի է լինել ի սահմանս հնոյն Կորէսի, որ կայ առ եզերք ջրոյն յաջմէն իբր բրիւք մղոնօք ի Մ. Հս. նորոյ աւանին, ի 4780՝ բարձու. զի և վասն հնաշէն դաստակերտին ասէ պատմիչն, «Դինեալ ի Վերայ գետոյ միոյ, կոչէ յիւր անուն զձօրն » Զագեծոր, և զբերդն՝ Զագեծորոյ բերդ »։ Ի գեղեցիկ



73. *Կարևաւ ւն Ջանիվազ օր*

«... 1940-1941-жылы Шымкентте жана башка жерлерде 1000-1500 адамга чейин адам өлтүрүлгөн» [1, с. 10].

«Լսեցինք Սիւնեաց պատմիչի աւանդութիւնը Ջագ նահապետի մասին՝ Սիսակի զարմից, նախ այստեղ բնակուելու եւ Հաբանդ բերդի շինողի [մասին], որ յետոյ իր անունով (որից եւ սահմանները) կոչուեց Ջագեծորի բերդ եւ դասուամ է Սիւնեաց նշանաւոր բերդերի կարգում, Թէպէտ յետոյ չի յիշուամ պատմութեան մէջ, եւ պէտք է համաձայնուել, որ եղել է հին Կորէսի սահմաններում, որ աջից ջրի եզրին է, նոր աւանի հիւսիս-արեւմուտքում՝ մօտ երեք մղոնով, 4780՝ բարձրութեամբ: Եւ պատմիչը հնաշէն դաստակերտի մասին ասում է. «Շինելով մի գետի վրայ՝ իր անունով ձորը կոչում է Ջագեծոր, եւ բերդը՝ Ջագեծորի բերդ»»⁸:

1. Այստեղ բառացի է թարգմանուած «եւ պէտք է համաձայնուել» հատուածը, որ պէտք է լինէր «հաւանաբար «կամ» հաւանաբար եղել է»՝ «եւ հաւանելի է»:


2. «...որ յետոյ իր անունով (որից եւ սահմանները) կոչուեց Զագեձորի բերդ» նախադասութեան բնոյթով որոշիչ լրացումներն են՝ «որ եղել է հին Կորէսի սահմաններում», «որ աջից ջրի եզրին է», [որ] «նոր աւանի հիւսիս-արեւմուտում՝ մօտ երեք մղոնով, 4780՝ բարձրութեամբ» [է գտնուում], այսինքն՝ սրանք «Զագեձորի բերդ» անդամի որոշիչ լրացումներն են: Պայմանականօրէն փոխակերպելով՝ այսպէս կը ստացուի՝ «...հին Կորէսի սահմաններում եղած եւ աջից ջրի եզրին գտնուող Զագեձորի բերդ[ը]՝ նոր աւանի հիւսիս-արեւմուտում՝ մօտ երեք մղոնով, 4780՝ բարձրութեամբ [գտնուող]»:

3. Ահա թարգմանութեան գծապատկերը՝


⁶ Գ. Ալիշան, Սիսական: Տեղագրութիւն Սիւնեաց աշխարհի, Ս. Ղազար, Վենետիկ, 1893, էջ 261:

⁷ Այս մասին կարելի է տեսնել՝ www.sarc.am.

⁸ Հատուածի բարգմանությունը՝ ըստ է. Մկրտչեանի («Սինիֆի հայագիտական հանդես», Գորիս, թիւ 4-5, 2011, էջ 33-44, 42-50):



4. Նույն հեղինակը՝ Ղ. Ալիշանը, որ Ձագեծորը եւ Ձագեծորը նույնացնում է, աշխատութեան մէջ՝ նույն տեղում, բերում է այս նկարը՝ Կորէս=Ձանկեազոր գրութեամբ:



5. Ղ. Ալիշանի «Սիսականում» միայն այս հատուածն է, որ կռուան է հին Գորիսը Վերիշէնում տեղադրելու կարծիքի համար: Միւս բոլոր մասերում՝ առանց բացառութեան, հին Գորիսը Կօրէս=Գորիս գիւղ վայրում է: Խորհրդային շրջանում՝ 20-րդ դարի առաջին քառորդում, հետեւելով Ն. Լալայեանի սխալ կարծիքին (աւելորդ ենք համարում յղումը Ն. Լալայեանից), Վերիշէնը համարել են Հին Գորիս, նույնիսկ անձնագրերում, վարչական որոշ փաստաթղթերում եւ երթուղային աւտոպուսի վրայ գրուած էր Հին Գորիս: Սխալը արագօրէն կանխուել է, գիւղը վաստակել է ժողովրդական իր անունանումը՝ վերին շէն՝ Վերիշէն:

6. Ձագեծորի բերդը, ըստ Ղ. Ալիշանի, գտնւում է հիւսիս-արեւմուտքում, այլ ոչ

Թէ արեւելքում, ինչպէս սխալմամբ տեղադրում են. «...կայ առ եզերք ջրոյն յաջմէն իբր երկը մղօնք ի Մ. (արեւմուտք) Հս. (հիւսիս) նորոյ աւանին...»:

7. Հին եւ Նոր Գորիսները իրենց տեղում են շուրջ 5000 տարի եւ առանց ընդհատումների կրում են բնիկ ժողովրդի բարեբեր գոյութիւնը: Ներկայիս Կյորէսի եւ Գորիսի գտնուելու վայրը հարց դարձնելը, ուսումնասիրութեան ասպարէզ հանելը պատմագիտական կեղծ թէզ է, եւ չենք կարող ասել, թէ ինչ նպատակ է հետապնդում:

Հին Գորիսի նորայայտ վիմական արձանագրութիւնները

Անդրադարձանք Հին Գորիսի տեղադրութեանը վերաբերուող հարցերին, որին կը յաջորդի մեր յօդուածի երկրորդ նպատակը՝ Հին Գորիսի վիմական արձանագրութիւնների վերծանութիւնն ու դրանց կարեւորութիւնը պատմական տուեալ ժամանակաշրջանի համար: Հին Գորիսի վիմական աշխարհին անդրադարձել է Ս. Բարխուդարեանը, ով Սիւնիքում կատարած իր հետազոտութիւններն ամբողջացրել է «Դիւան հայ վիմագրութեան» մատենաշարի երկրորդ պրակում: Վիմագրագէտը բնակավայրի տարածքից վերծանել եւ հրատարակել է ութ արձանագրութիւն, որոնցից մէկը մէջբերել է Եր. Լալայեանի կատարած ուսումնասիրութիւնից⁹: Մեր նպատակն է գրառել մատենաշարից ինչ-ինչ պատճառներով դուրս մնացած վիմագրերը:

Հին Գորիսը՝ ներկայիս Գորիս գիւղը, մելիքանիստ էր: Դա ենթադրում է, որ Գորիսը երկրամասի կեդրոն էր, որտեղ վարչաիրաւական հարցեր էին լուծուում: Միջնադարեան Հայաստանի պարսկահպատակ վայրերում մելիքները համարուում էին կալուածատէր-հողատէրեր (مالک || maleq), իսկ այն բնակավայրերը, որտեղ նստում եւ կառավարում էին մելիքները, փաստօրէն, շրջկենտրոնի կարգավիճակ ունէին: Առայժմ մեզ յայտնի է, որ Գորիսի առաջին Մելիքը Պաղրի որդի Օհանն էր, ով Փանահ խանից իր տիտղոսը ստացել էր Ղարաբաղի Մելիք-Շահնազարի միջնորդութեամբ եւ Գորիս, Խոտ, Շնհեր, Հալիձոր, Քարահունջ, Ալիղուլիքենդ, Մաղանջուղ, Կորու գիւղերում մելիք հաստատուելով՝ եկել էր կառավարելու: Նա նախ բնակութիւն է հաստատել Ծակերի ձորում, ապա 1870 թուականին Վարարակ գետի աջ ափին հիմնել է Նոր Գորիսը եւ տեղափոխուել այնտեղ¹⁰, իսկ Հին Գորիսը մնաց որպէս թաղամաս՝ մտնելով քաղաքի շրջագծի մէջ: Յետագայում, այլ գրաւոր աղբիւրներում կարգում ենք, որ Գորիսում մելիքական տոհմը ծագել է աւելի վաղուց¹¹: Այսպէս, հին Գորիսից հիւսիս, ձորի մէջ, մի կիսաւեր մատուռի ճակատակալ քարին արձանագրուած է. Թիի ՌԺԴ ...ԵՍ ՄԵԼԻՔ ԷԳԱՆ ԿԱՌՈՒՅԻ...¹²: «Դիւանում» տեղ գտած մէկ այլ արձանագրութեան համաձայն. ԱՅՍ Է ՏԱՊԱՆ ԱՌՆ ՄԵԾԻ ՄԵԼԻՔ ՈՀԱՆ Մ[Ա]ԼԽԱՍԻՆ ՈՒ ՄԻՐԻՆ, ՈՐ ԵՂԵԻ ԹՎԱԿԱՆԻ ԱՄԻՆ :ՄԻԱ:- ԻՆ (1572 թ.)¹³: Կարելի է ենթադրել, որ Գորիսի առաջին մելիքը նոյնպէս կրել է Օհան անունը: Մեծ Օհանին կոչել են նաեւ Բաբուն¹⁴ Օհան:¹⁵

Փաստօրէն՝ հիմնուելով վիմական արձանագրութիւնների վրայ, ենթադրում է, որ մելիքական տոհմը Գորիսում սկիզբ է առնում XVI դարից¹⁶: Ե. Լալայեանի յիշատակած Մելիք Օհանի որդիները կրում են Յօսէփ եւ Սէին [Հուսէին] անունները, յետա-

⁹ ԴՀՎ. պրակ II, էջ 80, արձ. 232:

¹⁰ Ե. Լալայեան, Ազգագրական հանդէս, II տարի, Դ գիրք, № 2, Թիֆլիս, 1898, էջ 8-11:

¹¹ Ս. Խանգաղեան, Հայրենապատում, հատ. 2, Երևան, 1981, էջ 181:

¹² Ա. Բակունց, Երկերի ժողովածոյ, հատ. 3, Երևան, 1982, էջ 480:

¹³ ԴՀՎ. Պրակ II, էջ 80, արձ. 235:

¹⁴ Հաւանաբար «Բաբուն»-ը մականունն է, որը պարսկերէն նշանակում է «վագր»:


¹⁵ Ս. Հախունդեան, Գորիսի ամփոփ պատմութիւն, Զանգակ, Երևան, 2005, էջ 164:

¹⁶ Նոյն տեղում, էջ 121:

գայում այս Հուսէինից էլ սերում է Հուսէինեան նշանաւոր ազգանուամբ տոհմը, որոնց մասին հանգամանօրէն կը տեղեկացուի վիմական անտիպ արձանագրութիւնների միջոցով: Ըստ տեղեկութիւնների, այս տոհմի ժառանգները Սիրիւր աքսորուելուց յետոյ, ներկայումս բնակում են Մոսկուայում: Յետագայում նրանց նախաձեռնութեամբ եւ միջոցներով է կառուցուել Գորիսի Սբ. Գր. Լուսաւորիչ եկեղեցին¹⁷:

Այսպէս, 1765 թուականին Պաղրի որդի Մելիք Օհանը կառուցում է գիւղի ձորամիջեան Սբ. Մարտիրոս եկեղեցին՝ իր եւ հօր յիշատակին, հարաւային մուտքի բարաւորին թողնելով հետեւեալ շինարարական արձանագրութիւնը. ՅԻՇԱՏԱԿ Է ԵԿԵՂԵՑԻՍ ՄԷԼԻՔ / ՈՀԱՆԻՆ ԵՒ ԻՒՐ ԾՆՈՂԱՅՆ / ՊԱՂԸՐԻՆ ԹՎԻՆ: ՌՄԺԴ¹⁸: (1765)

Գորիս գիւղի հարաւային հատուածում՝ Գիւնէյ կոչուող թաղամասում, գտնուում է Սբ. Հռիփսիմէ եկեղեցին նկ. (1), որի կառուցման նախաձեռնողը եղել է Մելիք Օհանը¹⁹: Եկեղեցու հարաւային մուտքի բարաւորի շինարարական արձանագրութիւնը հետեւեալն է. ՅԻՇԱՏ[Ա]Կ Է ԵԿԵՂԵՑԻՍ / ՊԱՂԸՐԻ ՈՐԴԻ ՄԷԼԻՔ ՕՀԱՆԻՆ / ԹՎ[Ի] Ն ՌՄԻԵ (1776)²⁰ (նկ.1)



Եկեղեցին ունի երկու մուտք՝ հարաւից եւ արեւմուտքից: Եկեղեցուն հիւսիսային կողմից կցուած են երկու սենեակ, որոնցից մէկի մուտքը եկեղեցու ներսից է, միւսինը՝ դրսից: Ներսի սենեակը հաւանաբար ծառայել է իբրեւ աւանդատուն:

Մեր կատարած ուսումնասիրութեան արդիւնքում ի յայտ են եկել մեծ թուով նոր արձանագրութիւններ ինչպէս եկեղեցու տարածքում, այնպէս էլ մատուռի շուրջը տարածուած միջնադարեան գերեզմանոցում, որտեղ պահպանուել են մելիքական տոհմի բազմաթիւ ներկայացուցիչների տապանաքարեր: Այն ներկայացնում ենք ստորեւ.²¹

Սբ. Հռիփսիմէ եկեղեցու բակի վիմագրերը.

1. **Տապանաքար.** եկեղեցու բակում, հարթ, կոտրուած, 6 տող.


¹⁷ Նոյն տեղում, էջ 163:

¹⁸ Դիւան II, էջ 80, արձ. 232:

¹⁹ Մելիք Օհանի անուան հետ է կապուած նաեւ Սբ. Հռիփսիմէ եկեղեցուց ոչ հեռու գտնուող մելիքական ապարանք, որի մասին իր «Գորիսի մելիքական ապարանքի պեղումները» յօդուածի մէջ հանգամանօրէն անդրադարձել է հնագէտ Արման Նալպանտեանը (այս մասին տե՛ս՝ Ա. Նալպանտեան, Գորիսի մելիքական ապարանքի պեղումները, Սիւնիք կրթութեան եւ մշակոյթի օջախ, Երեւան, 2019, էջ 167-185:


²⁰ Գ. Ստեփաննան, Դիտարկումներ Գորիսի մելիքութեան հիմնադրման եւ առաջին մելիքի՝ Մեծ Մելիք Օհանի եւ նրա որդու՝ Բաղրի վիմագրական արձանագրութիւնների շուրջ: Հայագիտութիւն Սիւնիք, 2019, № 1 (13), Երեւան, էջ 41:

²¹ Ծանօթ. Մելիք Օհանի եւ Հուսէինեան տոհմի խաչքարերի եւ տապանաքարերի արձանագրութիւններին անդրադարձել է Ս. Բարխուդարեանը: Դիւան II, էջ 80, 81 արձ. 232, 233, 234, 235, 237:



ՈՎ ԴԱՌՆ ՄԱՀ ՈՐ ՀԱՆԴԻՊԵԱՐ ՍՈՐԻՆ / ԽԱՆԻՅ ՄԵԾ ՄԻ ՄՆԱՅ ԻԻՐՆ ՍՐՏԻՆ / ԽԱՉԱԿԻՐ
ԸՆԴՐԵԱԼ ԱՎԱՔ ՔԱ [ՀԱ] ՆԱՅԻՆ / ԱԶԳԱՎ ՄԻՆԱՍՏԱՆՅ [ՏՐ] ՄԻՆԱ[Ս] [Մ]ԻԱԲԱՆԻՆ / ԹԱՂԵՅԱԻ ՁԵՌ
[Ա] ՄԲ ԽԱԶ[Ա]ՏՈՒՐ [Յ]ԱԶՈՐԴԻՆ / ՆԱԽԱԿԱՏԵԱՅ ԿԻՐԱԿԻ ՕՐ ՍԲ Խ[Ա]ՉԻՆ (1838)²²: (նկ.2)

2. **Տապանաքար.** Եկեղեցու հարաւային պատի տակ, 2 տող.



ԱՅՍ Է ՏԱՊԱՆ ԲԱԲՈՒԹԻ ՈՐԴԻ ՏՐ / ՅԱՐՈՒԹԻՆԻՆ ԹՎԻՆ ՌՄ ԾԸ (1809): (նկ.3)

3. **Տապանաքար.** Բեկոր Եկեղեցու հարաւային պատի տակ, նախորդի կողքին, 2 տող.



ՄԻ ՈՐԴԻ Տ[Ր] / ԹՎԻՆ [...]: (նկ. 4)

4. **Տապանաքար.** Բեկոր, 3 տող.




ՄԱՍ / [Տ]Ր ԸՍՏԷ [ՓԱՆ] / ԹՎԻՆ ՌՄԿԻ (1811): (նկ.5)

Ներկայացնում ենք գիւղի միջնադարեան գերազմա-
նոցում տեղ գտած տապանաքարերի արձանագրու-
թիւնները.


²² Տէր Մինասանց տոհմական գերեզմանատունը գտնում է Հին Գորիսի միջին գերեզմանատանը, որոնց տա-
պանագրերին կ'անդրադառնանք սոյն յօդուածում:

5. Տապանաքար, հարթ, 5 մոդ.




ԱՅՍ Է ՏԱՊԱՆ Ի ՀԱՆԳՍՏԵԱՆ / ԻԶԵԱԼ
ՄԱՐՄՆՈՒՆ Ի ԳԵՐԵԶՄԱՆ / ՓՈԽԵՑԱԻ Ի ԿԵԱՆՍ
ԱՌ ՏՐ ԱՐՔԱՆ / ՄԵԾ ԻՇԽԱՆ ՂԱԶԱՐ ԲԷԿ ՄԷԼԻՔ
/ ՕՀԱՆԵԱՆ 186 ԻՆ: (նկ.6).

6. Տապանաքար, հարթ, 5 տող.




ԱՅՍ Է ՏԱՊԱՆ ՀԱՆԿՍՏԵԱՆ / ԱՅՍՄ Մ[ԿՐ]
ՏԻՉԻ ՅՅՀԱՆԷՍԵԱՆ / ՓՈԽԵՑԱ Ի ԿԵԱՆՍ
ԱՌ ՏՐ ԱՐՔԱ / ԷՐ ՀԱՍԱԿԱՎ ԵՐԿԱՆՍԵԱՆ
/ 1841 ԻՆ: (ՆԿ. 7)

7. Տապանաքար, հարթ, 5 տող.




ԱՅՍ Է ՏԱՊԱՆ ՎԱԽՃԱՆՈՂԻՆ / ՄԱՐՄՈՎ
ԻԶԵԱԼ Ի ԳԵՐԵԶՄԱՆ / ԸԶ ՍԱ ՍԱՏ [Ա]Ր[Ո]Ղ
ՈՐԴԻ Է ԸՍՏԵՓԱՆԻՆ / ԸԶ ԾՆՈՂԸՆ ԱՐԱՐ ԵԻ
ՄԱՅՐ Ի ՍՈՐԻՆ / ԷՐ ՀԱՍԱԿԱԻ ՔՍԱՆ ԵԻ ՀԻԿ
ԱՄԻՆ: (Նկ. 8)

8. **Տապանաքար, հարթ, 5 տող.**



ԱՅՍ Է ՏԱՊԱՆ ՄԱՐՄԵՈ ԴԵՂԻ՝ / ԻՄ
ԵՂԻԱԶԱՐԵԱՆ ԵՒ ՅՈՒՐ ՊԱՏՈՒԵԼԻ /
ՄԱՍՆ Է ԴՈՀՄԻ ԱԶՆԻՒ ՈՐԴԻ՝ / ԱՆՈՒՆՆ Է.
ՏԻՐԱՅՈՒ ՍԱՐԳԻՍԻ՝ / ՈՐԴԻ Է ՏՐ ՄԻՆԱՍ
Ք[Ա]Հ[Ա]ՆԱ[Յ]Ի 1848 ԻՆ: (ՆԿ.9)

9. Տապանաքար, հարթ, 2 տող.



ԱՅՍ Է ՏԱՊԱՆ ՄԻՆԱՍԱՆՅ ՊԱՊԱ / ԹՎ [ԻՆ]
ՌՄԻԸ (1779): (ԸԿ, 10).

10. Տապանաքար. հարթ, 4 տող.

ԱՅՍԻՏԱՊԻԵՄԻՆԱՍԱՆՑՊԱՊՈՐ
ԳԻՍԱՐԳԻՍԻՆԻԵԻԻԻՐԿՈՂԱԿԻՑ Ա
ԻՋԻՆՈՐԵՏՈՒՄԴՐՄԵԼԻԲՕՃԱՆԻ
1841 ԻՆ

ԱՅՍ Է ՏԱՊԱՆ ՄԻՆԱՍԱՆՑ ՊԱՊՈՐ ՈՐ / ԳԻ
ՍԱՐԳԻՍԻՆ ԵԻ ԻԻՐ ԿՈՂԱԿԻՑ Ա / [2]ԻՋԻՆ
ՈՐ Է ՏՈՒՍԴՐ ՄԵԼԻԲ ՕՃԱՆԻ / 1841 ԻՆ:
(նկ.11)

11. Տապանաքար. հարթ, 3 տող.

ՀԱՅԱՏԱՊԻՆ ՄԻՆԱՍԱՆՑՊԱՊՈՐ
ՀՈՐԴԻՋՀԱՐԻՆՍԵԻԻԻՐԿՈՂԱԿԻՑ
ՀՊԱՍԱՆՆԻՆ ԻՆ 1866 ՄԻՆ

ԱՅՍ Է ՏԱՊԱՆ ՄԻՆԱՍԱՆՑ ՍԱՐԳԻՍԻ /
ՈՐԴԻ ՋՀԱ ԻՆԳ ԻՐԻՆ ԵԻ ԻԻՐ ԿՈՂԱ ԿԻՑ /
ՊԱՍԱՆՆԻՆ 1866 ԱՄԻՆ: (նկ.12).

12. Տապանաքար. հարթ, 3 տող, թուականը եղծուած.

ԱՅՍԻՏԱՊԻՆ ՄԻՆԱՍԱՆՑ
ՍՍԻՑ ՀՀԱՆ ԳԻՐԻ ՈՐԴԻ
ՕՍԻՓԻՆ

ԱՅՍ Է ՏԱՊԱՆ ՄԻՆԱՍ / ԱՆՑ ՋՀԱՆԳԻՐԻ ՈՐԴԻ /
ՕՍԻՓԻՆ [...] ²³: (նկ.13)

13. Տապանաքար. հարթ, 2 տող.

ԱՅՍԻՏԱՊԱՆ ՄԻՆԱՍԱՆՑ
ՍԱՐԳԻՍԻ ՈՐԴԻ

ԱՅՍ Է ՏԱՊԱՆ ՄԻՆԱՍԱՆՑ / ՍԱՐԳԻՍԻ ՈՐԴԻ [...]:
(նկ.14).

14. Տապանաքար. հարթ, 4 տող.

ԻՆ ԵՐԿՐԱՆ ՄԻՆԱՍԱՆՑՊԱՊՈՐ
11. ՇՈՒՍՇՐԿԱՅԱՆԱՅԻՆ
ՅՈՐԳՆԻՐՈՐԴԻՄԵՆՈՐԿԻՆ
ԻՎԻՆՈՒՄԻՆ 1866 ՄՆ

ԱՅՍ Է ՏԱՊԱՆ ՄԻՆԱՍԱՆՑ Ս[ԱՐ] / ԳԻ [ՍԻ]
ՏՈՒՍՏՐ ԳԱՅԱՆԱՅԻՆ / ՅՈՐԵՂԲՈՐ ՈՐԴԻ
ՄԱՆՈՒՋԱՐԻՆ / ԹՎԻՆ ՌՄԻՆ. 1866 ԱՄԻՆ:
(նկ. 15)

15. Տապանաքար. հարթ, 4 տող.

ԱՅՍԻՏԱՊԱՆ ԵՒ ՏՐԻՆՍԻՆԱՆ
ՀԱՐՍԵ ԵՒ ՄԱՆՈՐԵԻՆ
ԿԱՐՍԱՅ ԻՆ ԵՐԵՎԱՆԻ
ՆՈՒ ԴՈՒՍՏՐԿԻՆՈՒՄ

ԱՅՍ Է ՏԱՊԱՆ ՏՐ ՄԻՆԱ [ՍԻ] / ՀԱՐՍԵ ՄԱՆՈՐ
ՈՐ Է / ԿԱՐՍԱՅԻՆԻՆ ԹՈՒ / ՆՈՒ ԴՈՒՍՏՐԻՆ
ԹՎԻՆ ՌՄ (1751): (նկ. 16)


16. Տապանաքար. հարթ, 5 տող.

Աստ հանգչի մարմին ամուսնույ
մանուշար Բեկի Մեղիք Հիւսիսին
հան Տիկին Մարեմայ
Յովհաննիսեան ծն. 1871 թ.
վախճ 1901 թ.

ԱՍՏ ՀԱՆԳՉԻ ՄԱՐՄԻՆ ԱՄՈՒՍՆՈՅ / ՄԱՆՈՒՋԱՐ
ԲԷԿԻ ՄԵԼԻԲ ՀԻՍԻՆ / ԵԱՆ ՏԻԿԻՆ ՄԱՐԵՄԱՅ /
ՅՈՎՀԱՆՆԻՍԵԱՆ ԾՆ. 1840 Թ. / ՎԱԽՃ 1904 Թ. ²⁴:
(նկ. 17)


²³ Արձանագրության թուականը եղծուած է, բայց ելնելով արձանագրության բովանդակությունից՝ կարելի է ենթադրել, որ Օսեփը նախորդ արձանագրության մէջ տեղ գտած Ջհանգիրի որդին է:

²⁴ Արձանագրության մէջ ամփոփուած Մանուշար Բեկը Մեղիք Հուսիսին թոռն է, Մեղիք Թունիի (Յարութիւնի) որդին: Մեղիք Թունին Ջանգեզուրում առաջին անգամ մտցրեց կարտոֆիլի մշակումը: Տե՛ս Եր. Լալայեան, Երկեր, Դ, Երեւան, 2021, էջ 125:


17. **Տապանաքար.** հարթ, 2 տող.

ԱՅՍ Է ՏԱՊԱՆ ՄԱՆՈՒՉԱՐ / ՈՒՋԲԱՏՈՎ 1849:
(նկ.18)


Տէր Մինասանց տոհմական գերեզմանատան շարունակութիւնը գտնուում է գիւղից դէպի հիւսիս՝ մի ձորի մէջ.

18. **Տապանաքար.** հարթ, 5 տող.


ԱՅՍ Է ՏԱՊԱՆ ՀԱ/ ՅՐԱՊԵՏ Ք[Ա]Հ[Ա]Ն[Ա]ԻՆ 1885
/ ԵՒ ԿՈՂԱԿԻՑ ՄԱՆՈՒՇԱ / ԿԻՆ ՍԱ Է ՍԿԻՍԲԵՆ ՀԱ /
ՆԳԻՍՏ 1872 ԱՄԻԴ: (նկ. 19)

19. **Տապանաքար.** հարթ, 5 տող.


ՇԻՐԻՄ ԵՒ ԴԱՄԲԱՐԱՆ / ՆԱՆԱՅԻ ԿՆՈՋ ՍԱՀԱԿԱՅ / ՏԵՐ
ՄԻՆԱՍԵԱՆՑ, ՄՕՐ ՏԵՐ ՆԵՐՍԻՍԻ ԾՆ [ՈՒԱԾ] / 1847
-1894 ԱՄԻ: (նկ.20)

20. **Տապանաքար.** հարթ, նախորդի կողքին, 4 տող.


ՇԻՐԻՄ ԵՒ ԴԱՄԲԱՐԱՆ / ՏԻՐՈՒՀԻ ՄԱՐԵՄԱՅ՝ ԿՆՈՋ
/ ՏԵՐ ՆԵՐՍԻՍԻ ՏԵՐ ՄԻՆԱՍ / ԵԱՆՑ ԾՆ 1875 -1905
ԱՄԻ: (նկ.21)

21. **Տապանաքար.** հարթ, 5 տող.


ԱՅՍ Է ՏԱՊԱՆ / ՄԻՆԱՍԵԱՆՑ Ճ[Ա]Հ / ԱՆԿԻՐԻ.
ՈՐԴԻ ՎԱ/ ՐՊԵՏ ԳՐԻԳՈՐ / ԻՆ: 1896 ԱՄԻ: (նկ.22)

22. **Տապանաքար.** հարթ, վրան 4 տող.

ԱՅՍ Է ՏԱՊԱՆ ՀԱՅՐԱ / ՊԵՏ ԲԵԿԻ ԿՆՈՋ ՎԱՐ /
ԴԵՔԻՆ ՄԵԼԻՔ ՕՀԱՆ / ԵԱՆՅ ՀԱՆԳԵԱ Ի ՏԷՐ 1901:
(նկ.23)

23. **Տապանաքար.** հարթ, 5 տող.

ԱՅՍ Է ՏԱՊԱՆ ՄԱՆԱՍ ԲԵԿԻ / ԵՒ ԿՆՈՋՆ ԹԱԳՈՒՀՈՅ
/ ՄԵԼԻՔ ՕՀԱՆԻԱՆԻ / ՀԱՆԳԵԱՆ Ի ՏԷՐ, 1820 ԱՄԻ
/ Զ 1901 ԱՄԻ: (նկ.24)

24. **Տապանաքար.** հարթ, վրան 5 տող.

ԱՅՍ Է ՏԱՊԱՆ ՊԵՏՐՈՍ/ԲԵԿ ԿԻՆ ԹՈՒԹԻՆ / ՄԵԼԻՔ ՇԱՀՆԱԶԱՐ/
ԵԱՆՅ ՉԱՆԱԽՉԻՅ / Ի 1891 ԻՆ: (նկ.25)

Այսպիսով, Հին Գորիսի այս նորայայտ արձանագրությունները կարեւոր սկզբնաղբիւր են հանդիսանում այնպիսի ժանրի լուսաբանման հարցում, ինչպիսին տոհմագրությունն է: Արձանագրությունների հրատարակումը լոյս է սփռում Հին Գորիսի մեղիք Հուսէինեան եւ Տէր Մինասանց տոհմերի պատմութեան վրայ: Այն կարեւորութիւն է ներկայացնում Սիւնիքի տեղական, լոկալ պատմութեան ուսումնասիրութեան խնդրում՝ կոնկրէտ ընտանիքների պատմութեան վեր հանման միջոցով:

Լուսանկարներ՝

Նկ.1. Եկեղեցու բարաւորի արձանագրութիւն:



Նկ. 2 Տապանաբար. Աւագ Քահանայ Խաչատուրի:



Նկ. 3. Տապանաբար Տէր Յարութիւնի:



Նկ. 4. Տապանաբարի բեկոր:



Նկ. 5. Տապանաբար Տէր Ստեփանի:




Նկ. 6. Տապանաբար Ղազար Բեկ Մելիք Օհանեանի:



Նկ. 7. Տապանաֆար Մկրտիչ Օհանեանի:



Նկ. 8. Տապանաֆար Ստեփանի որդու:



Նկ. 9. Տապանաֆար Տիրացու Սարգսի որդի Տէր Մինաս Քահանայի:



Նկ. 10. Տապանաֆար Մինասանց Պապու:



Նկ. 11. Տապանաֆար Սարգիսի եւ իւր կողակից Ազիզի:



Նկ. 12. Տապանաֆար Մինասանց Սարգիսի որդի Զըհանգիրի եւ իւր կողակից Պալասանի:



Նկ. 13 Տապանաֆար Մինասանց Զհանգիրի որդի Օսէփին:



Նկ. 14. Տապանաֆար Մինասանց Սարգիսի որդի...:



Նկ. 15. Տապանաֆար Մինասանց Սարգիսի դուստր Գայիանայի հորեղբոր որդի Մանուչարի:



Նկ. 16. Տապանաֆար Տէր Մինասի հարս Մանույի:



Նկ. 17. Տապանաֆար Մարեմա Յովհաննիսեանի:



Նկ. 18. Տապանաֆար Մանուչար Ուզբատովի:




Նկ. 19. Տապանաֆար Հայրապետ Քահանայի եւ կո-ղակից Մանուչակի:



Նկ. 20. Տապանաֆար Նանայի:



Նկ. 21. Տապանափար Տէր Ներսէսի կին Մարեմայի:



Նկ. 22. Տապանափար Ճհանկիրի որդի Գրիգորի:



Նկ. 23. Տապանափար Հայրապետ Բեկի կին Վարդէի:



Նկ. 24. Տապանափար Մանաս բեկի եւ կնոջ Թագուհու:



Նկ. 25. Տապանափար Պետրոս բեկի կին Թուրքունի:

ՄՀԵՐ ՔՈՒՄՈՒՆՅՈՒՆ

Բան. գիտ. թեկ., դոցենտ, ՀՀ ԳԱԱ Հ. Աճառեանի
անուան լեզուի ինստիտուտ, Սիւնիքի հայագիտա-
կան հետազոտութիւնների կեդրոնի նախագահ

ՍԱԹԵՆԻԿ ԽՈՒՐՇՈՒԴԵԱՆ

ՀՀ ԳԱԱ հնագիտութեան եւ ազգագրութեան ինստի-
տուտ